

DISSERTATIO MEDICA
INAUGURALIS,

DE

Fonticulorum Setaceorumque usu:

QUAM,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,

ACADEMIAE EDINBURGENAE PRAEFECTI;

NEC NON

Amplissimi SENATUS ACADEMICI *consensu,*

Et nobilissimae FACULTATIS MEDICAE *decreto;*

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS,

RITE ET LEGITIME CONSEQUENDIS,

ERUDITORUM EXAMINI SUBJICIT

ROBERTUS OGILBY, HIBERNUS.

Ad diem 28 Junii, horâ locoque solitis.

EDINBURGI:

Apud G. HAMILTON & J. BALFOUR

ACADEMIAE TYPOGRAPHOS,

M,DCC,LVI.

316711



DISSERTATIO MEDICA
INAUGURALIS,

D E

FONTICULORUM SETACEORUMQUE
USU.



Digitized by the Internet Archive
in 2018 with funding from
Wellcome Library

<https://archive.org/details/b30369812>

ALEXANDRO OGILBY

PATRI SUMMOPERE COLENDO

S.

INTER varios patronos, quorum virtutes hac occasione celebrare liceret, pietas mea et animus gratus te praecipue indicant, quo duce et studiorum hortatore medecinae operam dedi, et cui hasce qualescunque primitias jure consecro, publicum reverentiae testimonium

ROBERTUS OGILBY.

DISSERTATIO MEDICA

INAUGURALIS,

D E

FONTICULORUM SETACEORUMQUE Usu.

DUM in corpore cujusvis animalis omnia organa recte se habent, et diversae secretionis rite peraguntur, nihil superflui manebit; et corpus in sanitate servatur, cum calido illo influente *Harvei quod perpetim requiritur, ad animalium membra fovenda.

SED quum humores alieni, qui ad nutritionem inepti sunt, in ulla parte corporis accumulatur, et ductibus communibus excernentibus, evacuari non possunt; natura, ut saepissime videmus, tales humores spontaneis ulceribus in partibus exterioribus corporis, expellere conatur, ut hoc modo, corpus causa multorum morborum liberaret.

A

Hi

* De circulat. sang. p. 277.

Hi naturae conatus quòtidie exemplis confirmantur, et praecipue in morbis chronicis, in quibus nocens materia semper renata continuam excretionem exigit. E capitem cute ulcerata in junioribus acre serum nonnunquam defluit, qua evacuatione aegri non parum sublevantur; sed si haec ulcera imprudenter medicamentis astringentibus cohibeantur, priusquam materiae acris satis expellitur, epilepsiae, asthmata, plurimaeque alia mala sequuntur, ni exitus restituatur: casum hujusmodi notavi, in homine diu doloribus capitis, dorsi, et articulorum vexato, qui scabiem contagione accepit, et paulo post, morbo priore liberatus fuit.

PRAETEREA, observationes sunt apud diversos auctores de aegris, qui ulceribus sinuosis spontaneis feliciter curati fuerunt. Vir quidam, nuper ulcus sinuosum naturale in coxa habuit, quod quum medicus illius aliquandiu apertum retinisset, aegrotum molesto asthmate liberavit, et e scorbutico, ad sanum corporis statum, restituit.

Ex iis manifestis bonisque voluntariarum evacuationum effectibus, verisimillimum est eos veteres, et accuratos observatores, Hippocratem, Archigenem, Galenum, Aetium, Avicennam, &c. in
hujusmodi

huiusmodi morbis imitatos esse naturam, applicando ferra candentia corporis partibus exterioribus, ad cutem urendam excitandaque ulcera, ut nocens materia expelleretur. Hippocrates * inquit, “ Quibus a diuturno coxendicis morbo vexatis coxa excidit, his crus tabescit, et claudicant, nisi uisti fuerint.” Etiam usus ulcerum a Celso † frequenter commendatur; e. g. in capite de morbo comitiali, requirit, “ ferro candente, in occipitio, quoque et infra, qua summa vertebra cum capite committitur, urere duobus locis, ut per ea perniciosus humor evadat.” Araeteus ‡ de caephalea dicit, “ novacula derasis capillis, urendum esse caput.”

PORRO, quo certius constet de felicibus horum ulcerum effectibus, curationes aliquas usu eorum praesertim perfectas exhibebimus, a morbis capitis incipiendo, e frigidis, aquosis, viscidis acribusque humoribus, oriundis; viz. cephalalgia, epilepsia, apoplexia, fluxione ad oculos, dentium doloribus, &c. Lanfranc. || de faemina narrat, quae diu voce privata est, etsi multifariam medicamenta

* Aphor. 60. sect. vi.

† De Med. lib. iii. cap. 23.

‡ De morb. diuturn. p. 114.

|| Tract. iii. cap. 18.

menta adhibita fuissent; et tandem fonticulo in futura coronali facto, brevi vocem recuperavit. Et in Timaei* observationibus, casus memoratur viri, qui affectus est rubedine oculorum, lachrymis, et videndi imbecillitate, in cujus brachio, fonticulum ille excitavit, et fluxum ejus salutarem diu hic homo expertus est, antehac perpetuis distillationibus obnoxius.

HILDANUS†, pueri qui patiebatur accessiones epilepticas semel in die, exemplum praebet, cui multa medicamenta nihil profuerunt, donec ille adveniens fetaceum excitavit, et hoc modo puer malo paulatim liberatus est. Etiam alibi dicit, ‡ homini quadragenario, et phlegmatico, qui dolore capitis immani laboraverat, postquam plurima medicamenta inutiliter tentata fuissent, fetaceum, se adhibuisse, et aegrum indies manifestam doloris mitigationem sensisse. Etiamque, casus memorabilis a nostro celeberrimo Professore Anatomico proditus, evidentissime ulcerum artificialium efficaciam demonstrat; *scil.* puer e gravi ophthalmia a fetaceo in cervice fixo convalescebat, cum vero,

fetaceo

* Cap. xxiii. p. 49.

† Chir. cent. i. p. 41.

‡ Cent. iv. p. 288.

fetaceo consolidato, morbus rediret, rursus eodem modo removetur, et hoc aliquoties factum est.

NUNC ad morbos pectoris de talibus malis humoribus ortos pervenimus, et, ab observatione Prosperi Alpini* incipiemus, de homine multos annos asthmate vexato, et nullo remedio adjuto, cujus pectus triplici in loco inussit, ulceraque diu aperta fervavit, quo auxilio homo sanatus est.

Glandorpius† in tractatu de fonticulis, sic scribit, “ Ego novi virum quendam, qui phthisin jaundiu
“ contraxerat, corporis constitutione melancholica,
“ et varia medicamenta frustra a medicis doctissimis
“ administrata, fontanella a me adhibita in bra-
“ chio sinistro, intra semestrem a malo liberatus est,
“ et vigorem pristinum paulatim recuperavit.”

Hic addenda merito observatio clarissimi Anatomici hujus Academiae Professoris, qui memorat, mulierem quandam equo delapsam, brevi postea pus tussu expuisse, et etiam inter alvi excrementa effudisse, seque suspicantem, mali fomitem esse circa diaphragma, chordam lateri inseruisse quâ pus exhaustum fuit, et aegra cito optime valuit.

AD

* Med. Ægypt. lib. iii. cap. 12.

† Cap. 16. p. 95.

Ad morbos in abdomine curandos, viz. hydropes, diarrhoeas, fluorem album, &c. saepe fontanellae conducunt. Celsus ita suam opinionem tradit, * “ Ferramentis candentibus pluribus locis venter, (quum hydrops adsit) exulcerandus est, et fervenda ulcera diutius.” In nonnullis uteri affectionibus, utilitas ulcerum affirmatur ab Hildano†, qui notat casum matronae, per aliquot annos menstruis albis laborantis, sed fetaceo admoto, et fluxu remittente, paulo post concepit, filiamque peperit, etsi antea nunquam uterum gestaverat.

In morbis superiores aut inferiores extremitates afficientibus, fonticulorum usus aliquando maxime necessarius est, ut in rheumatismo, arthritide, &c. etiamque in vetera ulcera claudendo, maxime prodest. Doctissimus Mead‡ fonticulos in coxendice, ad articulorum dolores levandos, excitari jubet. Nec non Hildanus||, talis evacuationis declarat se vidisse felicem successum, in homine summe cacochymico dolore sciatico vexato, in cujus brachio, ulcus a cauterio

* De med. lib. iii. cap. 21.

† Cent. iv. p. 298.

‡ Mon. med. cap. 13.

|| Cent. iv. p. 347.

cauterio factum est, ad pravam humorem derivandum, et his modis dolore levatus est aeger convaleuitque.

FELICIBUS effectibus ulcerum, sive naturalium sive artificialium, tam multis exemplis jam probatis, de ratione eorum effectuum, nunc breviter dicemus.

RATIO horum effectuum pendet a secretionem in illis, diversa a quacunque naturali in corpore; particulae enim alienae in ulcera secernuntur, et orificia vasorum in ea aperientia mutationem subeunt, quod ex differentia materiae ex vulneribus effusae, percipi potest.

QUANDO vulnus incisione factum est, sanguis ruber statim effunditur, sed cito vasa orificia sua contrahentia, tantum tenuem liquorem transmittunt, dein inflammatio oritur, obturantur vasa, et siccum evadit vulnus; sed brevi tempore vasorum orificiis rursus apertis, humori albescenti pus dicto transitus conceditur; materies interim rubra, et valde sensilis, quae caro dicitur, e fundo lateribusque ulceris excrescit, qualis etiam semper videtur in fonticulis et setaceis, aliisque ulceribus; per orificia vasorum hujus novae substantiae, particulae humorum reliquis organis excretoriis imperviae

imperviae et noxiae, e corpore expelli possunt, cum excretionē continuā, donec fomes morbi omnino deleatur.

PRAETEREA dum ulcera arte facta dolorem insignem excitant, in parte qua instituuntur, systema nervorum notabiliter afficiunt, atque dolores in aliis partibus corporis minuunt; cum autem a talibus doloribus saepe pendeant obstructiones, et humorum congestiones in corpore nostro, facile patet quanto usui esse possint ulcera artificialia, ad has minuendas et tollendas.

HUMORES hic excernendi, sunt superflui et aquosi, acres, viscidi, et terrestres.

SUPERFLUI liquores, qui in corpore abundant, saepius aquosi sunt; hisce autem dominantibus, vasa cito laxa fiunt, amittuntque elasticitatem, lymphaque ex arteriis capillaribus secreta, non a venis respondentibus absorpta erit, ut observandum est in hydrope quocunque, ubi quo major aquarum collectio, eo magis vasa compressa sunt, et debiliora reddita; hic, observatio in Hildani* chirurgia occurrit, hominis, imbecillitate stomachi, cum tumoribus aquosis in plurimis partibus corporis, reliquisque symptomatibus, plerumque hos comitantibus

tantibus vexati, qui fontanella integre curatus est.

Acres particulae cum admiffae fint extrinsecus, aut in minoribus vasis generatae, ex multis quasi spiculis acutis constant, in latere canalium haerent, et liquoribus a tergo urgentibus, in substantiam canalis magis magisque agi possunt, qui per stimulum contrahitur, hincque acres particulae profundius actae vas debilitant, et demum erodunt; contractione autem fibrarum, major fit continui solutio, donec globuli serosi vel etiam rubri sanguinis effunduntur, unde gignitur tumor qui proximos nervos distrahit cum summo cruciatu; sic variae morbosae affectiones inductae sunt: vel quando humor acris extravasatus, partes valde sensiles vellicat, irritatio haec spasmos, inflammationes, &c. afferre potest; tales humores per ulcera in externis partibus excernantur.

OMNES liquores in corpora nostra cum chylo inducti, qui paulo post in circulationem introeunt, aliquo gradu visciditatis praediti sunt, quae per actionem vasorum solvenda est; quando vero haec actio partim cessat, viscidae particulae arctissime cohaerentes, stagnationes formant in una aut multis partibus corporis, maxime in vasis capillaribus

et actae interdum a liquoribus a tergo vasa perfrunt; sic dolorem efficient.

QUANDO terrestres humores in corpore, proprio suo vehiculo privati sunt, per vasa minima transmitti non possunt, sed vasa obstruentes, morbis materiam praebent; ad illos humores emittendos, praeternaturalibus excretionibus utendum est.

HUMORIBUS praesertim hos morbos inducentibus, in quibus fonticulorum, aut fetaceorum usus laudatus est, jam descriptis; deinceps inquiremus quomodo in corpore formentur,

SANGUINIS indoles multis modis mutari potest, ita ut morbi diversi in corporibus nostris, a tali mutatione generari possint.

IMO, QUUM excretio humoris superflui, quae naturaliter effici debet, quovis modo obstructa sit, et omnes nostri humores quo diutius in corpore manent, eo plus vergunt in alcalescentem et putridum statum, liquores igitur qui in corpore ultra tempus a natura concessum retinentur, magis magisque putridi fiunt, ergo varios morbos producant.

2do, QUANDO chylus in corpore nostro heterogeneus est, et in sanguinem laudabilem converti nequit,

nequit, vertigines, cephalalgias reliquasque obstructionis sequelas inducit ; quamobrem apparet, malum chylum humores, viscidos, et etiam acres, cito reddere posse.

3tio, ATMOSPHERA nostra secundum sententias *Boylei, †Boerhaavii, multorumque aliorum, est chaos confectum ex multis diversis corpusculis, in unam fluidam molem congestis, quod varias mutationes subit, pro diversa portione particularum, ex quibus constat ; itaque quum corpora nostra tam magnam quantitatem harum particularum accipere possint, ab inspiratione in pulmones, aut a vasis absorbentibus in superficie corporis, vel cum chylo ; minime mirandum est, si particulae inter illas corruptae, misceantur cum liquoribus in corporibus nostris, cachexias, multosque morbos inde nasci. Hoc merito ab Hippocrate observatum esse vidimus, aditum inter montes Illyricos obstruendo, ne vapores pestilentes in Graeciam admitterentur.

4to, QUUM vis vitae major est quam in statu naturali, actio vasorum in fluida contenta augebitur, itaque tenuior et aquosa pars liquorum dissipabitur,

* Oper. vol. v. p. 117.

† Elem. Chem. vol. i. p. 461.

pabatur, oleosae particulae pro mitibus rancidae et putridae fient, igitur tumores, inflammationes, &c. succedent.

5to, E contrario, quando vis vitae minor est, alii effectus diversi generis sequuntur, solidis enim nunc redditis magis laxis quam antea, et minori vi in contenta sua agentibus, humores indies magis visciidi fient, ergo vasa minima cito obstruentur, et tumores phlegmatici, multaque alia mala orientur.

SECRETIO ex ulceribus a naturali quacunque secretionem differt, ob causas jam dictas, *scil.* diversitatem liquorum hic secretorum, et orificia vasorum mutata.

QUALIS excretio in ulceribus evenit?

Ex multis experimentis Doct. Pringle* affirmat, crassum illum humorem, quem in fonticulis videmus, ortum esse a densioribus particulis feri per vasa transmissi, quae particulae (tenuiore parte evaporata) in fonticulis aliquandiu manentes, formam puris assumunt. Sed aliquid praeterea certe ad puris formationem necesse est. Quum enim hi humores, qui ex orificiis vasorum in fonticulos se-

cernuntur

* Obs. p. 390.

cernuntur, cum oleosis particulis vicinis mixti sunt, tunc brevi temporis spatio, indoles eorum hic remanentium in album et aequalem illum liquorem pus dictum a calore loci mutatur.

Succis fere omnibus in toto corpore depravatis, et in nulla particulari parte coërcitis, sed nunc unum, nunc alium locum sensilem irritantibus, non est, quod hic illeve corporis locus eligendus, sed in quavis parte aegris commoda fonticuli formentur.

Quando humor laedens cujuscunque generis, in aliqua parte corporis collectus est, quam aut acrimonia vellicat, aut copia sua partes circumjacentes comprimit, sic convulsiones, inflammationes, &c. producere potest; in talibus morbis, loca proxima aut remota humoribus malis evacuandis, eligenda sunt, ad derivationem, revulsionem, aut stimulum.

Imo, Morbis ex obstructione, vel humoribus extravasatis in quocunque loco coërcitis, orientibus, quum exitus aptus prope partem affectam excitatus est, humores alieni ad talem exitum allciuntur, igitur causa morbi auferetur, et aeger cito malo liberabitur: Ut inter costas in diathesi morbofa pulmonum, vel empyemate, et subter umbilicum

bilicum in hydropicis ; praeterea, quando humores illi excernendi transitum ab origine sua ad alium locum (ut de capite ad pectus vel articulos) inveniunt ; fonticuli aut fetacea derivando materiam inferviunt.

2do, SEROSI vel alii tenues liquores in partibus internis collecti, non solum hic adveniunt in alveis vasorum ut emittantur, sed etiam per poros solidorum dimittuntur, nam motu fibrarum impelluntur, donec ad eas partes expulsionis proprias perventum est.

3tio, A stimulo partem ullam a loco affecto paulo remotam irritante, et sic nocentium humorum copiosum effluxum efficiente, pars hominum morbo laborans levatur, ut in ophthalmiis, febribusque nervosis. * Probatissimum igitur est remedium ad quascunque partes humorum defluxione vexatas.

ULCERUM artificialium, quae in partibus exterioribus corporis excitantur tres sunt species, quarum una tantum ad cutis superficiem, sed duae alterae in telam cellularem penetrant, quae in perpendiculares et sinuosas dividuntur.

QUALIA

† Prosp. Alp. Med. Ægypt. cap. 12.

QUALIA haec ulcera, ubi, et quomodo excitanda sunt, cum symptomatibus iis supervenientibus, nunc paululum dicemus.

Post applicationem vesicatorii ad ullam partem corporis nostri, cuticula sublata, tenuis liquor e vasis in cute nudatis effunditur, qui (si pars tecta sit) cito spissitatem puris assumit, ante cujus formationem cum carne rubra circa fonticulum oriente, et evacuationem copiosam effectus bonus vix expectandus est.

Ad talem evacuationem continuandam, paululum ung. epispastici, vel unguenti compositi, ex pauxillo caustici communis, et quantitate majore ung. basilici, applicetur; sed cavendum est ne causticum aëri diu exponatur, ut qualitatem suam non amittat.

In iis ulceribus excitandis, debemus sedulo eligere partes, ubi minima molestia (ex irritatione vel vestibus partem fricantibus) aegro oriatur, quamobrem in vertice capitis, ubi etiam fasciae facilius retineantur, haec ulcera plerumque excitari debent.

CAUTELAE

CAUTELAE hic necessariae sunt.

1mo, CAVERE, ne fonticuli in partibus valde teneris et nervosis in capite excitentur, quando cephalalgia maxime acuta cum aliqua externa inflammatione adest, sed potius in loco remoto, *scil.* in brachio, ubi etiam excitari debent, quum ulcera molesta ex saniosa materie effluente cavenda sunt. Praeterea, si inflammatio dolorque fonticulos comitentur, fomentis de herbis ficcis, ut rore marino, &c. utendum est.

2do, PRAEVERTERE ulcerationem vicinarum partium ab acris humoribus aliquando ex fonticulis fluentibus, et factorem, qui fonticulos plerumque comitatur, has partes aut aq. calcis et rosarum lavando, aut unguentis lenibus inungendo.

3tio, AUFERRE carnem luxuriosam circa ulcus magis accrescentem quam aeger ferre potest, aliquanto plus caustici ad unguentum addendo, vel aeruginem aeris, aut praecip. rub. cum alum. usto in partem spargendo; et si adhuc caro accrescat, quaedam universales evacuationes, ad humores aliò divertendos necessariae sunt.

SECUNDA species ulcerum artificialium, unum foramen introrsum in telam cellularem habet, quod
uno

uno vel pluribus globulis rotundis apertum servatur.

Hi fonticuli a veteribus cauterio actuali plerumque facti fuerunt, *scil.* panniculi petias, vel fungos, supra quamlibet partem urendo; et hac methodo, vel ferro candente utebantur, donec chemia vigere incepit, quo tempore cauteria potentialia, his usibus inferviebant.

METHODUS fere semper usitata, ad ulcera cum cauterio actuali facienda, est ferrum candescens ad partem aliquam applicando, ita ut cutis solum peruratur, quo peracto, axungia vel butyrum ad auferendum eschar adhibetur, tum quaecunque extranea substantia, quam in ulcere continuari volumus, inditur.

In fonticulis potentiali cauterio excitandis, emplastrum adhaerens (in quo foramen justae magnitudinis factum est) adhibetur ad partem, et intra foramen pars quae urenda est, cutis, saliva, aut aqua madefiat oportet, posteaque lapillus causticus imponatur, qui adopertus sit, donec eschar formatum est, et postea tractetur ac si cauterio actuali excitatum esset. Tamen quum suppuratio et effectus ex fonticulis incisione factis citius sequantur, cauteria nunc omnino omittantur.

POSTQUAM parva incisio cum scalpello per cutem facta est, unum, duo vel tria pisa communia, balsamo aliquo illita, in vulnus imponantur, ubi biduum, aut triduum, penicillo et fascia supra adhibitis retineantur, suppuratio enim tunc expectanda est; post hoc auferri possint, et ulcus semel in die mundetur.

CAVENDUM est ne hi fonticuli figantur supra nervos, tendines, vasa sanguinea, aut musculorum ventres, ubi dolores, inflammationes, haemorrhagias, aut summam molestiam et difficultatem extraneas substantias retinendi, ex actione partium inducant.

SYMPTOMATA sequentia saepe usui horum fonticulorum superveniunt.

1mo, INFLAMMATIO ex operatione quae auferri plerumque potest methodo antiphlogistica, simul cum applicatione emollientium cataplasmatum ad partem, ut citius fiat suppuratio.

2do, ARIDITAS quae corrigitur imponendo parvam quantitatem ungt. epispastici in fonticulum.

3tio,

3tio, CALLOSITAS hic aliquando accidit, ad quam removendam praecip. rub. applicetur ; et si hoc non profit, pars indurata scarificetur.

LOC A his fonticulis destinata sunt.

imo, IN cavitate, quam splenii muscoli separantes ad vertebrae secundae cervicis formant, vel inter scapulas et vertebrae dorsae.

2do, IN superioribus extremitatibus inter deltoidei musculi insertionem, et brachiale externum.

3tio, CIRCA quatuor digitos supra genu, in parte externa, inter vastum externum et bicipitem ; in interna parte, inter vastum internum et gracilem : et etiam extrinsecus ad tres digitos infra genu, inter gastrocnemicos et fibularem anticum, intrinsecus in parte anteriore gastrocnemicorum.

SETACEUM, quod tertia est species horum ulcerum, duo foramina invicem opposita habet, et chorda trajecta continuata. Haec ulcera a veteribus cauteriis actualibus peracta fuerunt ; viz. cum forcipe cutem in loco constituto sublevarunt, tum ferrum candens per duo foramina rotunda,

quae

quae in forcipe fuerunt, simul cum cute immiserunt, et ferro extracto, statim chordam e fetis porcinis (unde nomen) transegerunt; sed nunc pro his fetis, funiculis e gossypio vel filis sericis chirurgi utuntur, et hic funiculus unguento leni illinitus, adnexus est acui frigidae ferri, qua operator subter cutem perforat, et postquam ad spatium duorum digitorum eam direxit, rursus e-ducit.

CAUTELAE eadem hic aequae ac in fonticulis necessariae sint; sed praeterea curandum est, ut tantum funiculi, quantum volumus in ulcere manere, bene inungatur, et etiam fasciae tam laxae retineantur, ne teneras partes laedant.

Loca nostri corporis in quibus setacea instituntur, sunt plerumque ad nucham, vel inter scapulas et spinales vertebrae dorsi, at saepe pro morbis topicis in aliis partibus figuntur.

FONTICULI aut setacea interdum prae imperitia nimis diu retinentur, cum tantum humores laudabiles excreti sunt; contra, saepissime nimis cito illa auferendo, quod evacuari debet in corpore cohibetur; igitur de tempore apto eorum fationi aliquid dicemus.

IN junioribus, cum morbi fomitem omnino exhaustum esse putetur, et ne vel minimum periculum in morbum relabendi se offert, bono victus regimine administrato, aegrisque semel aut bis purgatis, ulcus sine ullo discrimine sanari potest; et postquam sanatum est, cicatricem, spiritu vini lavare necesse est.

IN adultis aequae ac in senibus, si diu fonticuli aut setacea retenta sint, nisi ultro siccescant, vel diarrhaea aut aliquo tali morbo aegri correpti sint, summum erit periculum in ulceribus claudendis; humores enim qui hic ad evacuandum adveniunt, non in alium usum, *scil.* prae corporis incremento, ut in juvenibus, converti possunt; ergo brevi in sanguinem redeunt, in organum aliquod nobile incident. Hoc plerumque verum esse, Timaei haec observatio et alia exempla confirmant*: Homo per multos annos cum gravi ulcere in pede sinistro conflictatus est, ad quod claudendum quoque pacto operam dedit, sed quid accidit? Capitis acutus dolor statim succedit, propter quem setaceum

* Obs. p. 60.

ceum in cervice locavit, et cito dolore liberatus est.

HIS de fonticulis fetaceisque in genere et specie dictis, nunc pauca verba faciemus quando prophylacticus usus eorum necessarius sit, quod casibus sequentibus probatum erit.

CORPORA nostra saepe obnoxia sunt morbis ex nimia quantitate aquosae partis sanguinis respectu caeterarum oriundis; quum hic humor in vasculis lymphaticis, in membrana cellulari, aut in glandulis collectus sit, laxitatem et inertiam solidorum inducendo, causam praebeat hydropibus, &c. quam primum percipimus ex tali inclinatione humorum propensionem ad hos pessimos effectus, si fonticuli in diversis partibus corporis excitentur, hi illos humores superfluos evacuando et sic solida corroborando, multos morbos praevenirent. Hoc attestatur sententia Hippocratis in lib. de aer. et loc. “ Multos enim Scytharum reperias, exustos
“ humeros, ac brachia habentes, manuumque
“ juncturas, pectora, coxas, et lumbos, nullam sane
“ aliam ob causam, nisi ob humoris et mollitiei
“ detractiōnem.”

IN morbis ex viscidis humoribus orientibus, ut nonnunquam in rheumatismo lento, arthritide, &c. fonticuli et setacea fiant oportet, antequam tam duram concretionem materia obstruens acquisiverit, ut resolvi non possit; si vero humor adhuc maneat gelatinosus, ad vasa contrahenda ac corroboranda adjuvent, ita ut talem humorem expellerent, et humoribus aliis noxiis ex ulla parte fluentibus resistere valerent*; hic enim viae angustiores redduntur, neque ita facile humor ad articulos fluit.

FONTICULI setaceaque saepe probata sunt esse optima praesidia contra morbos, qui ex noxia materia in corpus recepta orientur; cujus aptissimum exemplum in pestibus habemus; quum non solum profunt in efferendis humoribus e corpore, qui talibus morbis faveant, sed etiam quascunque noxias particulas jam ex aëre receptas ad exteriores partes divertant. Haec opinio Hildani est; in chirurgia enim ait †, “Neminem, quod notandum, “eorum qui fonticulos in cruribus et brachiis
“habuerunt,

* Prosp. Alp. Med. Ægypt. cap. xii. p. 97.

† Cent. xiv. Obs. 23.

“ habuerunt, praeter unum aut alterum summe
“ cacochymicum, peste obiisse memini.”

QUUM symptomata pus in pulmonibus contentum esse indicant, quacunque ratione, fontanellam aut setaceum aperire debemus, ut humoris collectio ab irritatione et evacuatione prohiberetur; si enim hic humor in cellulis pulmonum stagnet, pulmonibus humore alieno impletis, aëreque excluso, asthmata cito adducentur, et aeger vehementi tussē laborabit, phthisisque vera sequetur, et pereunt, Hippocrates* ait, “ nisi inustio facta sit.” Praeterea febres hecticae ex resorptione puris in sanguinem, a venis nunc erosis et magis patulis redditis ad humores noxios admittendos, et multae malae affectiones cerebri (cujus vasa sunt magis tenera et parva quam in ullo alio organo) praeveniantur.

ANTEQUAM mali humores in morbis catarrhalibus ita abundant ut morbos particulares producant, si fonticuli aut setacea formentur, humores noxii diuturna hac evacuatione excerni possint.

CLAUDIN.

* De morb. mulier. lib. xi. § 8.

CLAUDIN. in conf. iii. observat, se catarrham in palatum faucesque prolabentem ferocissimam, pessimaque symptomata minantem, fetaceo in nucha compescuisse.

FONTICULI aut fetacea in aegris excitata, quorum succi omnes vitiiati sunt, ut in scorbuto, commendantur praecipue, quando metus est humoris pravi in organa interna relabentis, et hic saepe miro successu agunt, sed aliquod medicinale regimen semper eorum usum in his morbis contumacibus comitari debet.

F I N I S.

13

7-1-1885

The following is a list of the names of the persons who have been admitted to the membership of the Society since the last meeting. The names are given in alphabetical order of their surnames. The names of the persons who have been admitted to the membership of the Society since the last meeting are given in alphabetical order of their surnames. The names of the persons who have been admitted to the membership of the Society since the last meeting are given in alphabetical order of their surnames.

7-1-1885